



PRIVREDNA KOMORA KANTONA SARAJEVO

Broj: 04/SS/ 16 – 18/11
Sarajevo, 8. III 2011. godine

BOSNA I HERCEGOVINA
FEDERACIJA BiH
KANTON SARAJEVO
Vlada Kantona Sarajevo
Ministarstvo privrede
Dr Rusmir Sendić, ministar

Predmet: **Prijedlog novčanih podsticaja u primarnoj poljoprivrednoj proizvodnji za 2011. godinu**

U Privrednoj komori Kantona Sarajevo održana je 3. III 2011. godine sjednica Savjeta za poljoprivredu i prehrambenu industriju na kojoj je raspravljano o: **Prijedlogu novčanih podsticaja u primarnoj poljoprivrednoj proizvodnji za 2011. godinu.**

Cilj rasprave je bio da se na osnovu predviđenih novčanih sredstava u **Nacrtu budžeta Kantona Sarajevo za 2011. godinu**, iskustava i prakse na provođenju dosadašnjih odluka o vrsti podsticaja, kriterijima i postupku za ostvarivanje prava na novčane podsticaje u primarnoj poljoprivrednoj proizvodnji i Zakona o novčanim podsticajima u primarnoj poljoprivrednoj proizvodnji na području Kantona Sarajevo, dođe do kvalitetnih rješenja kojima će se podstaknuti dalji razvoj primarne poljoprivredne proizvodnje.

Sastanku su prisustvovali: Predstavnici Ministarstva privrede Kantona Sarajevo, članovi Savjeta za poljoprivredu i prehrambenu industriju, predstavnici privrednih subjekata i drugih organizacija i institucija, predstavnici Komore i predstavnici medija.

Sumirajući raspravu, nakon uvodnih izlaganja i svestranih diskusija, daju se prijedlozi, sugestije i mišljenja koji mogu doprinjeti kvalitetnom donošenju teksta Odluke o novčanim podsticajima u primarnoj poljoprivrednoj proizvodnji na području Kantona Sarajevo za proizvodnju ostvarenu u 2011. godini.



71000 Sarajevo, La Benevolencija 8
Tel: (00 387 33) 250 100, 250 101, 250 196 Fax: (00 387 33) 250 137, 250 139
www.pkسا.com.ba, webmaster@pkسا.com.ba



PRIJEDLOZI

1. Ispoštovati Zakon o novčanim podsticajima u primarnoj poljoprivrednoj proizvodnji na području Kantona Sarajevo.

Obrazloženje:

U cilju daljeg razvoja poljoprivredne proizvodnje i konkurentske sposobnosti proizvođača, predlaže se da se u potpunosti ispoštuje Zakon o novčanim podsticajima, po kojem je u članu 10., tačka 2. decidno utvrđeno da **”Visina novčanih podsticaja ne može biti manja od 2% od poreznih i neporeznih prihoda u Budžetu Kantona Sarajevo za tekuću godinu”**.

Alternativa:

Ukoliko iz objektivnih razloga, nije moguće u potpunosti ispoštovati Zakon, iznaći mogućnost da se novčana sredstva za ove namjene obezbjede u visini prošlogodišnjih izdvajanja u cilju održanja postojeće proizvodnje.

2. Od ukupnog iznosa za podsticaje, najmanje 50% sredstava usmjeriti u kapitalne investicije.

Obrazloženje:

Iskustva pokazuju da ulaganja u kapitalne investicije (mehanizacija, objekti, oprema, stoka, dugogodišnji zasadi...) obezbjeđuju najsigurniji i najkvalitetniji tehničko-tehnološki razvoj, komercijalizaciju proizvodnje i tržišnu konkurentnost porodičnih/obiteljskih gazdinstava.

3. Uvesti podsticaje za proizvodnju povrća u zatvorenim objektima.

Obrazloženje:

U dosadašnjim odlukama o novčanim podsticajima u primarnoj poljoprivrednoj proizvodnji u KS nije bilo predviđeno podsticanje proizvodnje povrća u zatvorenim objektima. Predlaže se da se u Odluci za 2011. godinu predvide podsticaj i za komercijalnu proizvodnju povrća u ovim objektima, bez obzira na vrstu povrća.

Alternativa:

Ukoliko se ne želi naglasiti u kojim uslovima se proizvodi povrće, smanjiti sadašnju jedinicu mjere podsticanja od 1 ha na 0,5 ha, bez obzira da li se radi o otvorenom ili zatvorenom prostoru, zbog složenih agro-ekoloških uslova za ovu vrstu proizvodnje na području KS.

4. Povećati podsticaje za inkubacijsku proizvodnju jednodnevnih pilića.

Obrazloženje:

U Odluci za 2009. godinu ova proizvodnja podsticana je sa 0,10 KM po proizvedenom piletu. Međutim, u 2010. godini ovi podsticaji smanjeni su na 0,05 KM po proizvedenom pilet, što je izazvalo gubitke u procesu proizvodnje.

Da ne bi došlo do smanjenja ili potpunog gašenja proizvodnje jednodnevnih pilića, obzirom da su svi inputi u ovu proizvodnju u međuvremenu značajno porasli, predlaže se da podsticanje za inkubacijsku proizvodnju jednodnevnih pilića iznosi najmanje 0,10 KM po proizvedenom piletu.

5. Pojednostaviti administrativne procedure i smanjiti troškove apliciranja u ostvarivanju prava za dobijanje novčanih sredstava po osnovu Odluke o podsticajima.

Obrazloženje:

Dosadašnja praksa pokazala je da je neophodno prikupiti niz istovjetnih obrazaca po više puta tokom godine (npr. svaki put kod tova pilića 5-6 puta godišnje moraju se prikupiti ista dokumenta; vađenje krvi dva puta kod tova junadi; zdravstveni nadzor i gravidnost - dva dokumenta itd) pri apliciranju za dobijanje novčanih sredstava. Takve procedure opterećuju proizvođače i izazivaju povećanje troškova u pripremanju aplikativnih dokumenata. Sve navedene i druge aktivnosti mogle bi se obaviti samo jednom. Predlaže se da se u granicama objektivnih mogućnosti smanji broj potrebnih dokumenata, kako bi se izbjegli nepotrebni troškovi apliciranja na podsticajna sredstva.

Također, neki dokumenti ne bi trebali nikako, ukoliko bi se Odjeljenje za poljoprivredne stručne poslove osposobilo tehničkim pomagalima kojima bi mogli utvrditi zdravstveno i drugo stanje životinja.

6. Podsticajna sredstava utvrditi i podijeliti na vrijeme.

Obrazloženje:

Praksa je pokazala da se suviše kasni sa podjelom novčanih sredstava namjenjenih primarnoj poljoprivrednoj proizvodnji. Prijedlaže se da ova sredstva ne kasne duže od jednog mjeseca, kako bi bila na raspolaganju poljoprivrednicima u biološkom ciklusu proizvodnje, a ne u kalendarskoj godini ili čak da se novčane obaveze isplaćuju sa neprimjerenim zakašnjenjem od nekoliko mjeseci.

SUGESTIJE

1. Preporučuje se organizovanje **tematske sjednice Skupštine Kantona Sarajevo**, na kojoj bi se razmotrilo stanje i problematika poslovanja poljoprivredno-prehrambenog sektora.
2. Omogućiti putem web stranice Ministarstva privrede KS **dostupnost svim informacijama** koje Ministarstvo objavljuje (pozivi, konkursi, odluke, informacije...).
3. Pojednostaviti **administrativne procedure i smanjiti troškove** dobijanja građevinske dozvole.

MIŠLJENJA

1. Naglašeno je da su dosadašnja novčana izdvajanja na nivou Federacije, Kantona i nekih općina Kantona Sarajevo, iako nedovoljna, doprinjela daljem razvoju primarne poljoprivredne proizvodnje, što se ogleda i u činjenici da su planirana sredstva utrošena u 100% iznosu.
2. Izraženo je zadovoljstvo što se i dalje nastavlja dosadašnja praksa da se na **transparentan način** nastoji utvrditi iznos sredstava za donošenje konačnog teksta Odluke o podsticajima u primarnu poljoprivrednu proizvodnju.

PREDSJEDNIK

Kemal Grebo, dipl.ecc.